



## Saksframlegg

Saksnr.	Utval	Møtedato
19/20	Utval for vilt, fiske og friluft	20.08.2020
136/20	Formannskapet	01.09.2020
	Kommunestyret	

### Godtgjersle til kommunale viltoppgåver

#### Samandrag:

Kommunen har avtale med ein godkjend ettersøksekvipasje som utfører del av det pliktige arbeidet med handtering av skada og dautt hjortevilt. Arbeidet vert utført i samarbeid med leiaren i Utval for Vilt, fiske og friluft. Administrasjonen tilrår å gi leiaren ei årleg godtgjersle for arbeidet. Kostnadane vert dekt av det kommunale viltfondet.

#### Formannskapet 01.09.2020:

#### Behandling:

Sigurd Voldsund Nygard reiste sitt habilitetsspørsmål. Han er leiar i utval for vilt, fiske og friluft.

Sigurd Voldsund Nygard vart samrøystes kjend inhabil etter kommunelova § 11-5, fvl. §6 1. ledd bokstav a.

Bjarne Kvalsvik (FOLK) kom med slik endring i første avsnitt i tilrådinga frå utval for vilt, fiske og friluft:

"Med heimel i Forskrift om kommunale viltfond vert det løyvd ei godtgjersle på kr. 5.000,- per år for å utføre desse oppgåver:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjonen.
- Rekvirere ettersøksekvipasjonen ved behov og hjelpe til i arbeidet med ettersøket.

Stedfortreder får ei godtgjersle på kr. 1.000,- per år for å skjytte dei same oppgåvene ved fråvær."

Framlegget frå Bjarne Kvalsvik (FOLK) vart samrøystes vedteke.

#### F- 136/20 Vedtak:

Med heimel i Forskrift om kommunale viltfond vert det løyvd ei godtgjersle på kr.

5.000,- per år for å utføre desse oppgaver:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjen.
- Rekvirere ettersøksekvipasjen ved behov og hjelpe til i arbeidet med ettersøket.

Stedfortreder får ei godtgjersle på kr. 1.000,- per år for å skjømte dei same oppgåvene ved fråvær."

Grunngjeving:

Utvalet legg vekt på at godtgjersla må vere i tillegg til godtgjersla for «aktiv innsats/ utrykking» for å ta i vare belastinga med bemanning av vakttelefonen. Dette er ei pålagt kommunal oppgåve som vert teke i vare av leiar og nestleiar i utvalet 24/7 gjennom heile året.

#### **Utval for vilt, fiske og friluft 20.08.2020:**

##### **Behandling:**

Sigurd Voldsund Nygard (H) reiste sitt habilitetsspørsmål. Han er leiar i utval for vilt, fiske og friluft og gjekk frå under handsaming av habilitet.

Sigurd Voldsund Nygard (H) vart samrøystes kjend inhabil etter kommunelova § 11-5, fvl. §6 1. ledd bokstav a.

Marvin Kopperstad (KrF) reiste sitt habilitetsspørsmål. Han er nestleiar i utval for vilt, fiske og friluft og gjekk frå under handsaming av habilitet.

Marvin Kopperstad (KrF) vart samrøystes kjend inhabil etter kommunelova § 11-5, fvl. §6 1. ledd bokstav a.

Bente Storvik (H) vart samrøystes vald som setteleiar i saka.

Bente Storvik (H) kom med slikt framlegg:

Med heimel i Forskrift om kommunale viltfond vert det løyvd ei godtgjersle på kr. 5.000,- per år til leiaren i Utval for vilt, fiske og friluft for arbeidet med:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjen.
- Rekvirere ettersøksekvipasjen ved behov og hjelpe til i arbeidet med ettersøket.

Nestleiar i utvalet får ei godtgjersle på kr. 1.000,- per år for å skjømte dei same oppgåvene ved leiaren sitt fråver eller ved ugildskap.

Grunngjeving:

Utvalet legg vekt på at godtgjersla må vere i tillegg til godtgjersla for «aktiv innsats/ utrykking» for å ta i vare belastinga med bemanning av vakttelefonen. Dette er ei pålagt kommunal oppgåve som vert teke i vare av leiar og nestleiar i utvalet 24/7 gjennom heile året.

Framlegget vart samrøystes vedteke.

##### **VILT- 19/20 Vedtak:**

Med heimel i Forskrift om kommunale viltfond vert det løyvd ei godtgjersle på kr. 5.000,- per år til leiaren i Utval for vilt, fiske og friluft for arbeidet med:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjen.
- Rekvirere ettersøksekvipasjen ved behov og hjelpe til i arbeidet med ettersøket.

Nestleieren i utvalet får ei godtgjersle på kr. 1.000,- per år for å skjøtte dei same oppgåvene ved leiaren sitt fråvær eller ved ugildskap.

Grunngjeving:

Utvalet legg vekt på at godtgjersla må vere i tillegg til godtgjersla for «aktiv innsats/ utrykking» for å ta i vare belastinga med bemanning av vakttelefonen. Dette er ei pålagt kommunal oppgåve som vert teke i vare av leiar og nestleiar i utvalet 24/7 gjennom heile året

#### **Kommunedirektøren si tilråding:**

Med heimel i Forskrift om kommunale viltfond vert det løyvd ei godtgjersle på kr. 5.000,- per år til leiaren i Utval for vilt, fiske og friluft for arbeidet med:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjen.
- Rekvirere ettersøksekvipasjen ved behov og hjelpe til i arbeidet med ettersøket.

Nestleieren i utvalet får ei godtgjersle på kr. 1.000,- per år for å skjøtte dei same oppgåvene ved leiaren sitt fråvær eller ved ugildskap.

Vilkår:

Godtgjersle frå viltfondet blir avrekna krone for krone mot godtgjersla for «aktiv innsats/utrykking», og godtgjersla frå viltfondet fell då heilt vekk dersom det i sum blir utbetalt meir enn kr. 5000,- til leiar eller kr. 1000,- til nestleiar i godtgjersle til «aktiv innsats/ utrykking»

Vedtak som innstilling frå Utval for vilt, fiske og friluft - 20.08.2020 - 19/20

Med heimel i Forskrift om kommunale viltfond vert det løyvd ei godtgjersle på kr. 5.000,- per år til leiaren i Utval for vilt, fiske og friluft for arbeidet med:

- Bemanne vakttelefon for meldingar frå politiet om vilthendingar.
- Handtere vilthendingar der det ikkje er behov for ettersøksekvipasjen.
- Rekvirere ettersøksekvipasjen ved behov og hjelpe til i arbeidet med ettersøket.

Nestleieren i utvalet får ei godtgjersle på kr. 1.000,- per år for å skjøtte dei same oppgåvene ved leiaren sitt fråvær eller ved ugildskap.

Grunngjeving:

Utvalet legg vekt på at godtgjersla må vere i tillegg til godtgjersla for «aktiv innsats/ utrykking» for å ta i vare belastinga med bemanning av vakttelefonen. Dette er ei pålagt kommunal oppgåve som vert teke i vare av leiar og nestleiar i utvalet 24/7 gjennom heile året



### **Saksopplysningar:**

Kommunen plikter å ta vare på skada vilt i samsvar med gjeldande lovverk. Herøy kommune hadde avtalar med Herøy ettersøksring v/ Sigurd Nygard frå 2011 og fram til i år. Arbeidet til ettersøksringen vart godtgjort med kr. 20.000,- per år. Tidlegare vart det ført timelister for arbeidet og reiserekning, men i 2017 vart det vedteke ein fast sum per år for å unngå ekstraarbeid med føring og utbetaling etter time- og køyrelister. I praksis var det Sigurd Nygard og Knut Tandberg som delte på oppgåvene.

No er det inngått avtale med Geir Flø om ettersøk av påkøyrt hjortevilt og handtering av vilt. Flø er godkjend ettersøksekvipasje med hunden Bellmann. Kostanden med avtalen og arbeidet er avtalt til kr. 9.000,- per år.

Avtalen med Flø fyller ikkje alle oppgåvene som låg til avtalen med Herøy ettersøksring. Desse oppgåvene er:

- Bemanne vakttelefonen for meldingar frå politiet om vilthendingar
- Handtere vilthendingar der det ikkje er behov for ekvipasjen
- Rekvirere kommunen sin ettersøksekvipasje ved behov og eventuelt hjelpe ekvipasjen i ettersøksarbeidet

I tillegg har Utval for vilt, fiske og friluft ansvaret for ordninga med rapportering av felt dyr undervegs i jakta. Ordninga har vore praktisert i ei årrekkje. Siste reglane for rapportering vart vedteke i sak 17/2012 den 05.07.2012.

Vedtaket er:

*Med heimel i Forskrift om utøvelse av jakt, felling og fangst, §37 innfører nemnd for vilt, fiske og friluft følgjande ordning med rapportering og kontroll av felt hjort frå og med jaktseasonen 2012.*

- *Felt dyr skal meldast inn seinast 48 timar etter felling.*
- *Hovudet til det felte dyret skal takast vare på inntil 48 timar etter innmelding.*
- *Leiar for jaktlaget rapporterer felt dyr med kjønn og alder, tidpunkt for felling samt kontrollstad. Rapportering av felt dyr skal gå til valdsansvarleg.*
- *Nemnda står for kontroll av felte dyr, og tek kontakt med valdsansvarleg for stikkprøvekontroll.*
- *Kontrollør skal føre nøyaktig logg over alle innmeldingar og alle kontrollar.*
- *For vald som får tildeling etter målretta avskyting må det kontrollerast at valdet har kvote på det felte dyret.*
- *Eventuelle avvik skal meldast til SSL (landbrukskontoret) som i samråd med leiar oversender saka til politiet.*
- *Ordninga gjeld til anna vedtak vert gjort.*

Kontrollordninga er administrert av leiaren i utvalet. Andre medlemmar i utvalet har trått til ved fråvær eller ugildskap. Godtgjersle for arbeidet har i praksis vore del av utbetalinga til Herøy ettersøksring.

Utvalseiar Sigurd Nygard står i tillegg oppført som kommunen sin kontaktperson for andre melding om hendingar i hjortejakta. Det er i hovudsak meldingar som gjeld hendingar om skadeskyting.

Som grunnlag for å drøfte kva nivå godtgjerslene kan liggje på så må vi sjå på kva inntekter og utgifter vi har frå viltfondet.

## INNTEKTER OG UTGIFTER FRÅ VILTFONDET I 2019

Tekst	Inntekt	Utgift
Fellingsavgift alle valde (jakta i 2018)	28 632,00	
Refusjon fellingsavgift (maks beløp)		8 590,00
Infomøte om CWD, samarbeid 4 kommunar	4200,00	5 600,00
Vesthjord prosjektet (2019 - 2024)		11 000,00
Utbetaling for ettersøksavtalane		20 000,00
Sum	32 832,00	45 190,00
<b>Underskot</b>	<b>-12</b> <b>358,00</b>	

I oppsettet over her går det fram at det har vore eit overforbruk av fondet med kr. 12.358,- i 2019. Det er difor vesentleg å få til ein betre balanse mellom inntekter og utgifter. Behaldninga på fondet er per 31.12.2019 på kr. 42.650,-.

## BUDSJETT FOR 2020

Tekst	Inntekt	Utgift
Fellingsavgift alle valde (jakta i 2019)	25 380,00	
Refusjon fellingsavgift 30%		7 614,00
Avtale med ettersøksekvipasje		9 000,00
Utbetaling til leiar i utvalet for viltarbeid		5 000,00
Utbetaling til medlemmar i utvalet for viltarbeid		1 000,00
Vesthjord prosjektet (2019 - 2024)		10 000,00
Sum	25 380,00	32 614,00
<b>Underskot</b>	<b>-7</b> <b>234,00</b>	

Kommentarar til tala:

Inntektene og refusjonen er kjende tal da det fyljer av jaktresultatet i 2019. Kostanden på ettersøksekvipasjen er tilsvarande pris som tidlegare. Viss avvikling av refusjonsordninga vert vedteke så går denne kostanden ut av budsjettet for 2021. Ved å leggje inn godtgjersle på i sum kr. 6.000,- til utvalet vil budsjettet gå i balanse frå og med 2022. Behaldninga på fondet vert då redusert til om lag kr. 35.000,-

Kommunestyret vedtok i sak 111/19 den 26.08.2019 «Leiar og møtegodtgjersle for kommunale ombod i styre, råd og utval 2019 – 2023». Det går det fram i punkt 4 - leiargodtgjersle: «For medlemmer i Vilt, fiske og friluft skal det ved aktiv innsats/ utrykning utbetalast kr. 1500 pr gong.» Denne godtgjersla vert dekt av kommunale midlar.

### **Vurdering og konklusjon:**

Administrasjonen tilrår å gi leiaren i utvalet ei godtgjersle på kr. 5.000,- per år for arbeidet med å bemanne vakttelefonen, for viltettersøk utan ettersøksekvipasje og for bistand til ettersøksekvipasjonen ved behov. Nestleiaren i utvalet får ei godtgjersle på kr. 1.000,- per år for å skjømte dei same oppgåvene ved leiaren sitt fråvær eller ved ugildskap. Desse godtgjerslene bør sjåast i samanheng med kommunen si vedtekne godtgjersle for «aktiv innsats/ utrykning» på kr. 1500 per gong for medlemmene i utvalet.

Kostnaden med oppgåvene var tidlegare kr. 20.000,- per år. Med ny ettersøksavtale og framlegg til satsar over her vert kostnaden kr. 15.000,- per år. Det er naudsynt å ta ned kostnadane grunna overforbruk av midlane på viltfondet.

Etter administrasjonen si vurdering er det ikkje økonomisk handlingsrom for å gi godtgjersle for anna viltarbeid som leiaren eller medlemmane i utvalet utfører.

Likestillingsmessige sider ved saka: Ingen kjende.

Konsekvensar for folkehelsa: Ingen kjende.

Miljøkonsekvensar: Ingen kjende.

Økonomiske konsekvensar: Vil på sikt føre til ein akseptabel balanse på viltfondet.

Beredskapsmessige konsekvensar: Viss det ikkje vert tatt grep, føre til at pliktige kommunale viltoppgåver må godtgjerast over kommunebudsjettet.

Konsekvensar for barn og unge: Ingen kjende.

Trond Arne Aglen  
Kommunedirektør

Anne Kathrine Løberg  
Avdelingsleiar